



BABHTA COIMISÚNAITHE OLLSOLÁTHAIR GINEARÁLTA

Sprioc-am d' iarratais ollsoláthair – Dé Máirt, 22 Meitheamh @ 5.00pm.

Ag súil le cinnidh ó TG4 – Aoine 30 Meitheamh, 2021.

Táthar ag súil go dtosóidh na conarthaí ollsoláthair ó mhí Iúil 2021 ach is féidir go dtosóidh siad níos luaithe nó níos déanaí i 2021. Ní gá gur dátaí beachta do gach bhliain ó thaobh thús agus do dheireadh na gconarthaí atá luaite san iarratas ach tá plean léiriúcháin agus dátaí léiriúcháin ag teastáil do Bliain 1. Go ginearálta mairfidh na conarthaí ollsoláthair tréimhse 4 bliana. Beifear ag súil go dtosófar ar sheachadadh na gclár ó Samhain 2021 ar aghaidh ach is féidir cláracha a sheachadadh roimhe sin.

Beidh praghas socraithe per annum ag gach gné den ollsoláthar do thréimhse 4 bliana. Ba cheart don chomhlacht léiriúcháin moladh cén méid uair an chloig de gach gné de chláracha a bhéas siad ag soláthar agus b'fhéidir go mbeidh idirbheartaíocht idir TG4 agus an comhlacht faoi sin. Is féidir le comhlachtaí 'beartán' de ghnéithe ollsoláthair a chur le chéile suas go dtí leibhéal a oireann dóibh féin.

Seo a leanas na critéir le haghaidh cinnidh eagarthóireachta don bhabhta coimisiúnaithe ollsoláthair seo:

- Caighdeán, cruthaitheacht agus nuálaíocht na n-iarratas
- Cóiriú & cur chuige físiúil ón Stiúirthóir do bhliain h-aon
- Tallann ar scáileáin
- Oiriúint eagarthóireachta do riachtanais agus do slotanna sceidil TG4
- Buiséad agus plean airgeadais ar teimpléad buiséad TG4.
- Costas in aghaidh na huaire
- Forbairt & caiteachas sna réigiúin
- Taithí i léiriúchán teilifíse
- Cur síos ar struchtúir agus foireann an comhlachta.
- Polasaí ag an gcomhlacht ar son úsáid na Gaeilge a forbairt
- Cultúr sa gcomhlacht i bhfabhar cómhaoinithe agus comhléirithe

Meastar go mbeidh suas le 3 ollsoláthar á aontú as an babhta seo agus nach gcaithfidh TG4 níos mó ná €1.35M per annum ar an mbabhta coimisiúnaithe ollsoláthair seo. Ní gá go gcoimisiúnófar gach gné de chláracha ón liosta a leanas ach d'fhéadfaí gné amháin a choimisiúnú ó níos mó ná comhlacht amháin.

Beidh feidhmeannaigh de chuid TG4 ar fáil le haghaidh cruinnithe le daoine a léiríonn suim sa mbabhta seo. Le heolas a fháil faoin mbealach le cruinniú a shocrú, nó má ta aon cheisteanna agat maidir le haon chuid den bhabhta seo, cuir r-phost chuig Máire Uí Choisdealbha, maire.ui.choisdealbha@tg4.ie

MOLTAÍ MAIDIR LE GNÉITHE SA MBABHTA OLLSOLÁTHAIR.

Ba cheart do na hiarratais a shonrú cé acu de na gnéithe den ollsoláthar a dtagraíonn siad dóibh sa mbabhta seo. Is féidir le comhlachtaí ‘beartán’ de ghnéithe ollsoláthair a chur le chéile suas go dtí leibhéal a oireann dóibh féin. Is féidir le comhlachtaí uasmhéid de thrí ‘bheartán’ éagsúla a chur isteach mar iarratas.

FÍS EAGARTHÓIREACHT: De réir mar atá tirdhreacht na craoltóireachta ag eirí níos scoilte, tá aitheantas bainte amach ag TG4 ar son nuálacht, físiúlacht, cruthaíocht agus thar rud ar bith eile láidreacht na scéalaíochta atá mar bhunús gach réimse cláir.

Tríd na coimisiúin leanúnacha seo, tá TG4 ag súil le n-oibriú i gcomhpháirt le na léiritheoirí agus na cruthaitheoirí teilifíse is fearr dá bhfuil ann le scéalta atá gaelach, eisíoch agus físiúil a chruthú ag muintir na hÉireann do mhuintir na hÉireann.

Beidh sraitheanna agus brandaí á chruthú de réir sprioc gach am sceidil agus an réimse lucht féachana ar a bhfuil siad dírithe le breis ábhar agus / nó ábhar curtha i bhfeiliúint do lucht féachana breise agus go minic níos óige ar na meáin dhigiteacha.

Cuirfear le forbairt talún léirithe ar gach leibhéal. Beifí ag súil go mbeidh na pearsan a d'oibrigh mar chúntóirí sa chéad thréimhse léirithe ceithre bliain ag forbairt i dtreo príomh phearsan léirithe an bhabhta seo.

Beifí ag súil le talún nua ar scáileán a chuirfidh le paisean, fiosracht agus aoibhneas ár lucht féachana (more joy!).

Beidh tús áite ag an scéal i gcónaí, an scéal a sheasfaidh amach agus a bhéas ceannródach i measc na milliúin scéalta eile.

Mar chuid den iarratas do gach gné den ollsoláthar is gá na rudaí seo a leanas a bheith san áireamh:

- Achoimre chruthaitheach de na huaireanta go léir de chláracha sa gcéad bhliain
- Moltaí samplacha a léiriú ar na cláracha don chonradh ceithre bliana go léir
- Tuiscint soiléir ar an ngrúpa déimeagrafach nó ar an sainghrúpa den lucht féachana a bhfuil na cláracha ag díriú orthu
- Plean ar caiteachas/fostaíocht/forbairt sna réigiúin
- Buiséad agus plean airgeadais ar teimpléad buiséad TG4
- Má tá an iarratas feiliúnach do Alt481 is fiú é sin a bheith san áireamh sa buiséad agus plean airgeadais.
- Moltaí samplacha a léiriú do cheangail ilmheáin eile (idirlíon/meáin shóisialta/raidió)
- Ainmneacha don tallann lárnach a bheidh ar chúl agus os comhair an cheamara sa chéad bhliain
- Cur síos ar struchtúir agus foireann an comhlachta
- Plean margaíochta tras ardán
- Uaireanta an chloig de chláracha sa bhliain a mholann an comhlacht léirithe

Molaimid duit dul i dteagmháil le eagarthóirí coimisiúnaithe TG4 chun tuilleadh treoir nó do chuid moltaí a phlé. Cuirfear deis ar fáil na hiarratais seo a phlé agus a fhorbairt trí agallamh le hiarratasóirí ar an gearrliosta nuair a dhúnfar an babhta coimisiúnaithe.

GNÉITHE DEN OLLSOLÁTHAR

(tuilleadh eolas de réir genre le fáil ar an tairiscint atá foilsithe ‘Babhta Coimisiúnaithe, Earrach 2021.’)

1. Fíorasach.

An chéad am craolta: Lá seachtaine, 9.30pm.

Formáid: Sraith de chláracha faisnéise láidre, tarraingteacha 50 nóiméad ar fhad.

Lucht Féachana: Náisiúnta, go háirithe mná.

Fad an chonartha ollsoláthair: Meitheamh/Iúil 2021 go ceann ceithre bliana

Buiséad don ghné in aghaidh na bliana: €450k

Uaireanta le soláthar: Moladh le teacht ón gcomhlacht léirithe.

3. Siamsaíocht Fhíorasach.

An chéad am craolta: Lá seachtaine, 9.30pm.

Formáid: Sraith de chláracha siamsaíochta fhíorasaí láidre, tarraingteacha 50 nóiméad

Lucht Féachana: Náisiúnta, go háirithe mná.

Fad an chonartha ollsoláthair: Meitheamh/Iúil 2021 go ceann ceithre bliana

Buiséad don ghné in aghaidh na bliana: €450k

Uaireanta le soláthar: Moladh le teacht ón gcomhlacht léirithe.

An sprioc-am d'iarratais ollsoláthair ná an Mháirt, 22 Meitheamh 2021 ag 5.00pm.

Caithfear na hiarratais a chur isteach go leictreonach. Mura bhfuil an comhlacht cláraithe, caithfear clárú ar dtús ar an suíomh eCoimisiúin <https://ecomm.tg4.ie>, agus an t-iarratas a uaslódáil roimh an sprioc-am tríd an rogha, **'Ollsolathár Meitheamh 2021'**, ón roghchlár anuas. Tiocfaidh admháil chugat go leictreonach go huathoibríoch. Ní ghlacfar le hiarratais tar éis an sprioc-ama agus caithfidh na comhlachtaí iad féin déanamh cinnte gur seachadadh na hiarratais. Má tá aon cheist maidir leis an bpróiseas leictreonach seachadta, cuir r-phost chuig Anna Marie Nic Dhonnacha - annamarie.nic.dhonnacha@tg4.ie

Táthar ag súil le cinnidh ó TG4 Aoine 30 Meitheamh, 2021.

Glacfar le hiarratas ar an mbonn go gcomhlíonfaidh iarrthóir na hoibleagáidí reachtúla iomchuí uile.

Níl dualgas ar TG4 glacadh leis an iarratas is ísle praghas, ná le h-aon iarratas.

Beidh aon chonradh ag brath ar Theastas Glanta Cánach ó na Coimisinéirí Ioncaim.

Acht um Shaoráil Faisnéise: Cuirtear iarrthóirí ar an eolas gur ceadmhach eolas a sholáthraítear a nochtadh don phobal faoin Acht um Shaoráil Faisnéise. Ba chóir d'iarrthóirí aird a tharraingt ar an eolas íogaireacht (más ann) agus a rá cén chúis gur eolas íogaireacht é. Ní féidir glacadh leis nach mbeidh dualgas ar TG4 eolas a eisiúint, fiú más dóigh leis an iarrthóir gur eolas íogaireacht é agus go bhfuil sin curtha in iúl do TG4 aige.

Ní ann d'aon chineál ceangail – conartha nó aon chineál eile – go dtí go mbeidh conradh foirmiúil scríofa forghníofa ag nó thar ceann TG4.